

■ TRIBUNA POLITICA

Firma sociala grischuna da success

HANSJÖRG TRACHSEL,
PRESIDENT DA LA REGENZA

La lavur ha ina gronda L impurtanza en nossa societad. Ella na garante-scha betg mo las entradas, mabain ha er ina incum-bensa sociala impurtanta. Ella intermediéscha con-tacts cun auters umans, in-fluenzescha la conscienza, chaschuna experientschas da success e garantéscha in'entrada da gudogn. La perdita da la piazza da la-vur chaschuna savens ina perdita da la reputaziun, da la structura dal di e schizunt dal curs da la vita e da differentas furmas d'exclusiun che n'èn da gu-livar cun naginas presta-ziuns finanzialas. Plazzas da lavur e cunquai occupa-ziun vegnan stgaffidas d'interpresas en il martgà da lavur «normal», l'uschenumnà emprim martgà da lavur. I dat den-tant umans che na chattan nagina piazza en l'emprim martgà da lavur pervia da deficits da furmaziun, da restricziuns da prestaziun, da problems da la sanadad u pervia d'auters motivs. Per quests umans è l'inte-graziun sociala e professiu-nala cun programs, che tegnan quint da lur capaci-tad da lavurar restrenschida, impurtanta. Il chantun Grischun ha sustegnì per-quai l'onn 2012 la funda-ziun d'ina firma sociala a



Cuira cun ina finanziaziun da partenza. La firma so-ciala è ina purschida sup-plementara en il segund martgà da lavur e sa drizza oravant tut a clientas ed a clients da l'agid social che na chattan malgrà pliras emprovas da mediaziun naginas plazzas sin l'em-prim martgà da lavur e che na survegnan pli naginas prestaziuns da l'assicuranza cunter la dischoccupaziun. L'agid social dal stadi è char e per pliras da las per-sunas pertutgadas vargu-gnus. La firma sociala por-scha qua ina cumpleta-ziun impurtanta. Las colla-vuraturas ed ils collavura-turs vegnan confruntads en la firma sociala cun las pretensiuns dal mund da lavur, senza esser exponids al squitsch da prestaziun da l'emprim martgà da la-vur. Ellas ed els elavuran ina part dals custs per viver sezs. Las lavurantas ed ils

lavorants suttascrivan in contract da lavur cun la firma sociala ed acceptan a medem temp ina cessiun da la paja a lur vischnanca da domicil. Quella fa ina golvaziun tranter l'import d'entrada cuntanschè e l'agid social, dal qual las persunas pertutgadas han il dretg. Intginas persunas pon viver a vista mesauna senza sustegn da l'agid so-cial.

En la firma sociala EDock GR a Cuira ve-gnan occupads actualmain 80 collavuraturas e colla-vuratur. Var 30 vischnan-cas tranter Landquart e Tusaun, dal Partenz da-vant e da la Surselva (Flem, Lumnezia, Mustér, Schluein, Sumvitg) èn gia parts contrahentas da la firma sociala. L'utilizaziun da la purschida da l'Engia-dina e da las Vals dal sid è restrenschida pervia da las distanzas da viadi. Il chan-tun examinescha perquai soluziuns alternativas. Jau ma legrel dal success che la firma sociala po gia pre-schentiar 8 mais sunter il cumenzament dal mana-schi. In gudogn per tut las persunas pertutgadas: las vischnancas vegnan dis-tgargiadas financialmain e las persunas pertutgadas han ina structura dal di, èn socialmain integradas e pon avrir a sasezzas novas perspectives.